



KEMENTERIAN KERJA RAYA

MALAYSIA

# KENYATAAN MEDIA

## PELEBARAN LEBUHRAYA KUALA LUMPUR-KARAK (KLK) DEMI KESELESAAN PENGGUNA PANTAI TIMUR

**LIPIS, PAHANG** - Kerajaan melalui Kementerian Kerja Raya (KKR) telah meluluskan cadangan pelebaran lorong lebuhraya Kuala Lumpur - Karak (KLK) yang akan dilaksanakan oleh pihak ANIH Berhad selaku pemegang konsesi lebuhraya KLK. Cadangan Pelebaran Lebuhraya KL-Karak dijangka akan dapat menyediakan lebuhraya yang selesa, cepat, mudah dan cekap serta menangani isu kesesakan yang sering berlaku di Lebuhraya KL-Karak terutamanya pada musim perayaan, cuti umum dan hujung minggu.

KKR sentiasa mendengar keluhan rakyat yang terpaksa menghabiskan berbelas jam untuk pulang ke kampung terutama ketika musim perayaan kerana kesesakan luar biasa pada waktu puncak. Sehubungan itu, kerja pelebaran ini merupakan usaha kerajaan untuk memberi keselesaan kepada rakyat pada masa hadapan.

Antara skop kerja pelebaran KLK tersebut yang bermula dari Plaza Tol Gombak ke Persimpangan Mempaga, Lebuhraya Lingkaran Tengah Utama (Central Spine Road) di Bentong iaitu menambah satu (1) lorong daripada tiga (3) lorong sehala sedia ada kepada empat (4) lorong sehala bagi Seksyen 1 (dari Plaza Tol Gombak ke Bukit Tinggi) dan daripada dua (2) lorong sehala sedia ada kepada tiga (3) Lorong sehala bagi Seksyen 2 (dari Bukit Tinggi ke Plaza Tol Bentong) sepanjang 45.3 kilometer. Skop kerja ini juga akan melibatkan tambahan pembinaan sebuah terowong dua (2) lorong baharu akan dibina bersebelahan dengan terowong sedia ada arah Timur dan penyediaan lampu jalan disepanjang jajaran yang terlibat dengan kos keseluruhan RM2.1 billion.

Ketika ini, pihak Syarikat Konsesi (SK) sedang di dalam proses untuk memuktamadkan rekabentuk sebelum memulakan kerja-kerja pembinaan fizikal di tapak yang dijangkakan bermula pada suku ketiga 2023 dan dijangka siap pada tahun 2026.

**KEMENTERIAN KERJA RAYA**

**18 MEI 2023**

Unit Komunikasi Korporat | Kementerian Kerja Raya Malaysia

WWW.KKR.GOV.MY PRO@KKR.GOV.MY KEMENTERIAN KERJA RAYA KKR\_MALAYSIA @MOWORKS KEMENTERIAN KERJA RAYA OFFICIAL

Tel : 03 8000 8000 / D.L : 03 2771 4616 / 4627 | Faks : : 03 2711 1101

Jalan Sultan Salahuddin,  
50580 Kuala Lumpur